

Djeca su i sadašnjost i budućnost

Dunović je tokom posjete Udruženju Obrazovanje gradi BiH istakao kako se ekipa sa Jovom Divjakom na čelu bavi upravo onim problemima u kojima je država zakazala

Direktor Udruženja Obrazovanje gradi BiH Jovan Divjak ugostio je jučer potpredsjednika Federacije BiH Milana Dunovića.

Udruženje uspješno doprinosi rješavanju aktualnih problema u oblasti obrazovanja, što pokazuju i ovogodišnji projekti posvećeni inkluziji djece.

Uskraćena prava

- Ono što nisam znao o Udruženju jeste da se, pored stipendiranja učenika i studenata, bave i određenim projektima, gdje povezuju i uključuju djecu iz različitih sredina u Bosni i Hercegovini, različitog statusa i nacionalnosti. Kroz te projekte, gdje se djeca sve više drže i povezuju, stvaraju mogućnost da budu naša budućnost, kazao je Dunović.

Dunović je govorio o problemima u obrazovanju u Bosni i Hercegovini, gdje se pored problema dvije škole

pod jednim krovom, javljaju novi vezani za bosanski jezik, pa se tako puno toga djeci uskraćuje kada su u pitanju njihova prava.

- Najčešće im nedostaje stimulans, kako moralni, tako i novčani, jer imamo jako puno djece koja su u takvoj finansijskoj situaciji da njihovi roditelji ne mogu omogućiti finansiranje i nastavak školovanja, a u tom smislu Udruženje Obrazovanje gradi BiH ulaže ogroman napor, istakao je Dunović.

Direktor Udruženja Jovan Divjak nije krio zadovoljstvo prilikom posjete, jer, kako kaže, "čast mi je što postoji čovjek koji prepoznaje potrebu Udruženja, a uz pomoć ovakvih osoba Udruženje može mnogo više učiniti".

- Često se kaže djeca su naša budućnost, ali tvrdim ako nisu sadašnjost, nema budućnosti, a na tome putu je bitna moralna podrška, bitno

je razumijevanje dijela vlada u BiH, a bilo koja sredstva koja dobijemo usmjeravaju se djeci za stipendiranje. Za dva dana idemo na ljetovanje na Boračko jezero, tokom kojeg će se kroz sportske aktivnosti družiti oko 120 djece, a to su romska djeca, djeca s posebnim potrebama iz Udruženja Oaza, iz javne ustanove Drin i Crvenog križa Novo Sarajevo, dodao je Divjak.

Trajna briga i misija Udruženja je i pomoć djeci žrtavara rata. Podržavaju i talentovane studente, kao što su to bili teniser Damir Džumhur, džudašica Larisa Cerić i drugi, a sav novac koji se dobije ide u korist djece čija je jedina obaveza završavati školovanje u roku, kako bi bili pripremjeni članovima društva. Ono što je aktualno u Udruženju jeste da je raspisan konkurs za stipendiranje na svim nivoima, rade na planu kalendaru za 2017. godinu, u kojem će



Potpredsjednik FBiH Milan Dunović sa Jovanom Divjakom / DAMIR ČUMUROVIĆ

biti istaknuti motivi nošnji u Bosni i Hercegovini. U toku je i realizacija projekta spomenik ženi Sarajeva, također rade i na izradi knjige Razije Mujanović.

Zaključak potpredsjednika Federacije BiH Milana Dunovića nakon posjete Udruženju jeste da će pružiti i finansijsku pomoć za dalje školovanje stipendista.

Odličan posao

- U okviru svojih mogućnosti i budžeta kojim raspolazem, pomogu ću finansijski rad Udruženja, naravno u okvirima koji su prihvatljivi i u skladu sa internim projektima i

pravilnicima za projekte kakvim se Udruženje bavi, kazao je Dunović.

Pohvalio je Udruženje, kazavši da radi odličan posao, a za Jovana Divjaka je dodao kako je veliki humanista koji ulaže naporu obrazovanje djece i bavi se svime onim u čemu je država na neki način zakazala. Poželio je Divjaku još puno uspjeha u daljem radu.

- Trudimo se živjeti život jednog dobro organizovanog udruženja u korist djece, rekao je zadovoljno Divjak, te dodao da će finansijska sredstva iskoristiti za stipendiranje talentovanih studenata i realizaciju nastupajućih projekata.

MEDINA RIZVANović - RAZIĆ